



Broj: 10/E-11-5042/22
Sarajevo, ~~14-09-2022~~ godine

Na osnovu člana 70. stav (1), (2), (3) i (6) i člana 98. stav (2) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), na prijedlog Komisije za nabavku roba, usluga i radova II imenovana rješenjem broj: 10-45-1840/22 od 22.02.2022.godine i broj: 10-45-1840/22-1 od 24.03.2022.godine u daljem tekstu: Komisija II, u postupku javne nabavke i isporuke teretnog vozila „kiper“ Službi za komunalnu čistoću, putem otvorenog postupka, (Zapisnik o pregledu i ocjeni ponuda broj: 10/E-11-5042/22 od 09.09.2022.godine), Opštinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača „**PORSCHE INTER AUTO BH**“ d.o.o. Sarajevo, ul. Bulevar Meše Selimovića br.16, 71 000 Sarajevo broj: 44316_137008 od 18.08.2022.godine, za nabavku kombi vozila za potrebe Službe za spašavanje sa visina, u prirodi, na vodi i pod vodom, putem otvorenog postupka, u ukupnom iznosu od **80.000,00 KM sa popustom bez PDV-a, odnosno 94.728,20 KM sa popustom, PDV-om i registracijom i rokom isporuke 30 (trideset) kalendarskih dana.**
- II.** Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke u roku od 7 dana, shodno članu 71. Zakona.
- III.** Ova Odluka objavit će se na web-stranici Općine Centar, www.centar.ba, istovremeno s upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

O b i r a z l o ž e n j e

Postupak za javnu nabavku kombi vozila za potrebe Službe za spašavanje sa visina, u prirodi, na vodi i pod vodom, pokrenut je putem otvorenog postupka, broj Obavještenja na Portalu javnih nabavki: 848-1-1-161-3-99/22 od 16.08.2022.godine.

Procijenjena vrijednost javne nabavke ukupno iznosi 80.000,00 KM (bez PDV-a).

U određenom roku za predaju ponuda, 07.09.2022. godine do 13,00 sati, dostavljena je 1 (jedna) ponuda, i to od ponuđača: „PORSCHE INTER AUTO BH“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitani su cijena ponude i rok isporuke, kao potkriteriji „ekonomski najpovoljnije ponude“, kako slijedi:

r/b	Ponuđač	Ukupna cijena ponude za vozilo u KM bez PDV-a	Popust	Ukupna cijena u KM sa PDV-om *	Rok isporuke (kalendarskih dana)
1.	„PORSCHE INTER AUTO BH“ d.o.o. Sarajevo	83.303,00	3.303,00	94.728,20	30

* Ukupna cijena u KM sa popustom, PDV-om i registracijom

Nakon izvršenog otvaranja ponuda Komisija II je pristupila detaljnoj analizi dokumentacije priložene uz ponudu u smislu provjere njene validnosti, obzirom na iskazane zahtjeve ugovornog

organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima.

Komisija II je uvidom u dostavljenu ponudu utvrdila da ista ispunjava formalno pravne, ekonomske i tehničke uslove odnosno zahtjeve Ugovornog organa. Konstatovano je da je ponuda prihvatljiva.

S obzirom da je cijena ponude veća od obezbijeđenih sredstava, Komisija II je tražila izjašnjenje nadležne općinske službe o obezbijeđenju dodatnih sredstava u skladu sa zaprimljenom ponudom. Nadležna općinska služba dostavila je izjašnjenje da ima obezbijeđena dodatna sredstva za navedenu nabavku.

Komisija II je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

Ponuđača „**PORSCHE INTER AUTO BH**“ d.o.o. Sarajevo, ul. Bulevar Meše Selimovića br.16, 71 000 Sarajevo broj: 44316_137008 od 18.08.2022.godine, za nabavku kombi vozila za potrebe Službe za spašavanje sa visina, u prirodi, na vodi i pod vodom, putem otvorenog postupka, u ukupnom iznosu od 80.000,00 KM sa popustom bez PDV-a, odnosno 94.728,20 KM sa popustom, PDV-om i registracijom i rokom isporuke 30 (trideset) kalendarskih dana.

Nadalje, Opštinski načelnik u postupku ocjene nije našao razloge, niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 800,00 KM u skladu sa članom 108. stav (1) tačka b) Zakona.

Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda
broj: 10/E-11-5042/22 od 09.09.2022.godine



DOSTAVITI:

1. Ponuđaču:
- „PORSCHE INTER AUTO BH“ d.o.o. Sarajevo, ul. Bulevar Meše Selimovića br.16, 71 000 Sarajevo
2. Službi za civilnu zaštitu
3. Kabinetu općinskog načelnika – Odsjeku za javne nabavke
4. Službi za finansije
5. Arhivi